

門生劉子謙編輯

賦役書

本縣正賦每畝二分三厘二毫本不為重而當里甲者畝派三四分故富者以得地為悔貧者皆委地而逃若本縣之役歲編五百餘名而庫子厥夫當之未有不破家者先生設法調停十八年每畝止派銀一分六厘六毫而里甲諸費如重夫重馬銀魚等項皆悉免派自正賦外毫無別派其役法則悉遵原議將五百餘名之役盡行放免本府委之編行各州縣為式草庫役則一甌茶一勺水皆行自具此非清苦者疇能守之輯賦役書

放免見羊里長告示

訪得本縣地窪而瘠田之低者其價畝不過三分而常年里長之費反倍之此窮民所以棄產避役而輕去鄉土也本縣酌量調劑已將重夫重馬銀魚等項悉行申革里長不復差遣無事不須呈縣各里錢糧公同十季均催現年之名不須設也蓋名未去則科歛之根未除合行曉諭停革為

示仰槩縣現年里長知悉永為遵守毋得紊規以
虛体恤之念須至告示者

申請減免浮稅公移

順天府通州寶坻縣為調停審編未盡事宜以便
遵守事照得審編悉遵

本府題明條約革去正頭中間有宜增宜減者預
先申明恪奉外但各役陸續告增誠有情可憫勢
宜從者不得不量為體恤然民窮財盡又不宜加
入地畝卑職通融處置損其有餘以補不足各項
應募頭役俱已停妥尚有馬房脚夫一項蒙

順天府通州寶坻縣

二

巡青道憲牌仰縣即將各馬房額設夫役照依舊
例魚解正身著役不得輕議折銀有違成例等因
備行到縣遵該本縣查得馬房脚夫係奉

欽依單去正頭明編工食解給若照憲牌魚解正身
似與原行有違本縣難以遵行等因申覆去後至
今未有明示即今四月已應起徵前役應量番餘
銀以防多索今將應增應減頭役列款見在擬合
申請為此今備前由理合具申伏乞

照詳施行

計開

應增共一十九項共加銀九十一兩六錢

一本府正堂陰陽生二名每名原編銀九

兩六錢今奉文加銀二兩四錢共加銀

肆兩八錢

一本府庫子一名原編銀七兩二錢今奉

文加銀四兩八錢

一本府正堂皂隸二名每名原編銀九兩

六錢今奉文加銀二兩四錢共加銀四

兩八錢

一本府正堂更夫二名每名原編銀七兩

四

二錢今奉文加銀一兩八錢共加銀三

兩六錢

一本府左堂陰陽生一名原編銀九兩六

錢今奉文加銀二兩四錢

一本府正堂快手一名原編銀九兩六錢

今奉文加銀二兩四錢

一本府正堂弓兵一名原編銀九兩六錢

今奉文加銀二兩四錢

一本府左堂快手二名每名原編銀九兩

六錢今奉文加銀二兩四錢共加銀四

兩八錢

以上八項共加銀二十七兩原議加入地
畝今調停酌處將減下本道快手銀抵
補

一慶豐閘閘夫五名每名原編銀一十兩今
與工部分司面議每名加銀二兩共加
銀一十兩

一永通橋夫二名每名原編銀九兩今與工
部分司面議每名加銀一兩共加銀二
兩

一浣衣局土工七名每名原編銀一兩二錢
今因懇索每名加銀一兩二錢共加銀
八兩四錢

一河西務看堂門子一名原編銀七兩與工
部分司面議加銀二兩共銀九兩

一本縣更夫五名每名原編銀三兩六錢委
係不敷今議每名加銀二兩四錢共加
銀一十二兩

一本縣陰陽生二名每名原編銀五兩四錢
委係不敷今議加銀一兩八錢共加銀

三兩六錢

一本縣革去庫役應編茶夫一名工食七兩

二錢每月茶果銀三錢五分共銀一十

一兩四錢

一太僕寺丞衙坐馬一匹草料銀一十二兩

四

四年一解每年該銀三兩

一太僕寺丞衙坐派書辦工食銀二兩

一春秋二祭馬神廟每祭用銀一兩五錢共銀三兩

一庫書一名原編銀七兩二錢今革庫役議

加銀七兩二錢

五

以上共增銀六十四兩六錢

應減三項共減銀九十八兩四錢

一密雲道皂隸六名每名原編銀一十四兩

四錢今議每名裁減銀二兩四錢申詳

本道批允共減銀一十四兩四錢

一密雲道快手二十二名每名原編銀二十

五兩今議每名裁減銀三兩申詳

本道批允共減銀六十六兩

一本縣舖兵十名每名原編銀六兩共銀六

十六兩

十兩今議召募舖兵五名每名每月給
工食銀七錢共銀四十二兩比原議裁
減銀一十八兩

以上共減銀九十八兩四錢除抵免外尚
餘銀六兩八錢以備馬房脚夫加添之
用

申請審編減派公移

為公採訪廣忠益以圖稱塞事蒙密雲道兵備郭
參政案驗蒙

巡按直隸監察御史孫憲牌前
行本道即將

所屬地方軍民利病加意查訪悉心酌議如某事
與地方有利在所當興某事與地方有害在所當
革某項裁減太過在所當益某項經費太繁在所
當損差徭作何均平錢糧作何徵收里甲作何節
省驛遞作何調停災傷作何優恤盜賊作何輯寧
務要曲盡事理經久可行備造一冊仍通行道屬
州縣掌印官照以前項各摺所見開陳條款備載
書冊具呈該道再加覆議彙造一冊俱限一月內
送院以憑採酌施行以後果有卓見不妨另具
報等因備案

查法制委見經費之外役動里甲條鞭之外又審均徭實不勝駭愕今蒙前因逐一檢校隨事講求乃知弊雖百出總有兩端一則立法本善而後官輕變遂顛沛而難支一則時變役增而俗吏憚更遂因循而過取欲含糊遷就隨衆習非不惟虛文罔上情所未安兼恐實害及民弊將日甚謹據事直陳明白上

請極知迂腐不合時宜而志在恤民有如皎日伏願取其不欺之意特賜

准行憐其未逮之才曲為斟酌務使上之所頒布與

兩奉之賜

上

下之所奉行較若畫一不相矛盾庶政有成規而民受實惠矣為此今備前由具申伏乞

照詳施行須至申者

計開

一重夫三十名重馬十匹舊馬十匹驢十頭
里甲賠銀七百七十兩

前件本縣原設走逸馬三十匹夫七十名
萬曆四年奉文革馬一十五匹夫四十
名將所革夫馬工食銀八百二十五兩
貯庫逐旋顧募至八年詹知縣復革馬

五匹止存十匹又將貯庫夫馬工食銀兩申請革去後因差走不敷遂于正夫之外私增重夫三十名正馬之外私增重馬十匹又復不敷每三里共養旧馬一匹驢一頭每里約賠銀二十餘兩而各里之取諸民者又不止二十餘兩而已也照得本縣地原偏僻除各上司巡歷外常年邊上解銀諸官及各故官家小俱由本縣往河西務下舡奉有勘合夫馬數多是故閑則經月不差忙則

西奉之

數倍尚少當時革去夫馬而徵銀備用最為良法蓋革冗食之夫馬則閒時既不妄費而貯備用之餘銀則忙時又可支持今議將重夫重馬及備馬與馱等項盡行革去其夫馬工食銀止徵四百二十兩貯庫備差訪之輿情咸以為當但地方災傷民力甚詘查得河西務堤夫一百三十名頗為冗費合無革去七十名止存六十名將其所革工食銀四百二十兩抵充前費則不須加派于民

而差使亦不缺矣伏候

上裁

一清軍書手二十五名私占工食銀約三百八十餘兩

前件查得本縣三十里惟二十五里有軍因設清軍書手二十五名土音里每名議幫工食銀一十二兩今私討十七八兩中十里每名議幫銀九兩今私討十二四兩下五里每名議幫銀七兩二錢今私討十一二兩皆

卷之九

九

維中職司清軍深知其弊力告卑職前項書手皆係市井遊民區支工食軍丁籍貫茫然不知番之無用已經議革切照繁縣軍丁只有此數一經查明便可永為定冊今黃縣丞在任五六年清勾數百次設法稽查用心獨苦於各里各甲各戶各丁知之頗真具有細冊似可憑據擬復申請本府老冊及兵部歷年軍數參互考訂定為成書凡遇行有丁者即據籍發遣丁盡者

按籍回報似為便易若一奉清勾即一遣牌月月追呼村村驚擾以致需索多端人民逃散非計之得也議將前項書手盡行革去而以其所司之事併之該里軍冊造完該管

上裁

一醫獸叁拾名該里甲賠工食四百二十餘銀

前件查得本縣寄養馬匹壹千肆拾叁匹每里設醫獸壹名專供拘喚走使之用每名里甲約賠工食銀十四伍兩不等

切照

祖宗舊制養馬地方每州設醫獸貳名縣壹名馬病專令調治亦周禮巫人治疾之意也本縣管馬主簿冉夢龍精明歷練洞悉事情力告卑職前項醫獸全不知醫惟供差遣既失當時建立之意而又名數太多供億繁費擬將前項盡行革去擇其

精通馬病者二人為獸醫每名給工食銀七兩二錢查本府議革儒學夫二名共銀一十四兩四錢此夫既革而此銀尚徵貯庫擬將此餘銀抵作前項工食其養馬之家伍馬為一保保有長五保為一牌牌有首五牌為一群群有正五群為一隊隊有師二隊共馬一千匹其附餘四十三匹分為二牌附于兩隊以二醫分統之平居無事則彼此覺察有守望相助之風一遇點聞則上下催呼有臂指相聯之勢不惟前項浮費可省而養馬之政亦着實舉行矣尚容細查沿革之故及馬坊牧地侵占之由并

高皇帝牧養之訓與歷年題

准事宜勒成一書申請

閱訂伏乞

一箭手一百名私貼工食銀約一千餘兩

前件查得本縣舊規原無箭手於萬曆九年始增立箭手一百名典史祝良顯職司

巡捕歷事年深力告卑職謂當時原議以鄉村多盜蘆葦盛時卒難防禦故添設此項為守禦地方之計近則分作兩班專供縣家差遣不復下鄉防盜且每人告攀幫戶或二名或三名遂至有二百五十九人每月私貼工食銀或一兩或八九錢不等使民間增一千餘兩之銀而縣中又增此一班啖民骨血之虎殊為無益擬將箭手盡行革去而城市村庄嚴行鄉約其守望防禦之法具載

卷之四

三

鄉保條規中已經申送本道倘蒙

准議則各鄉有防禦之實而各里無私賠之累矣伏乞

上裁

一 剡州運糧河募夫一千名燈夫二十名私賠工食銀約一千五百餘兩

前件按剡州運河因海潮壅入泥沙堆積每年挑挖着本縣催夫一千名三十里催募每名貼銀一兩五錢或一兩三四錢不等又工部各官不常按臨派本縣

燈夫二十名上里出十名中下里出十名共銀一千五百餘兩經費不載無從處辦今於六月初十日具由申請蒙工部郎中陸詳批新河夫役順行所屬州縣既以路遙議徵銀解部則雇募之夫勢不得不取諸附近而新河正在該縣地方已經本部題

准議派行之年久難以變更况每夫每工價六分亦

不為甚累但恐委官給散不時當臨時稽查今據該縣准王奉祥開告連被水

災民多逃赴雇募不全量減三百名此亦權宜之計也其七百名仍照數雇募不得推諉致悞河工此繳看得前弊皆因委官不給工銀致各里賠賍今若每夫每日果有銀六分本縣自行雇募上不悞事下不費民此不過廢本縣一月之工便可支持而不煩更派里甲矣其燈夫一項查有戶部原派庫子二名工食銀每年八兩緣此役有利無費人皆爭赴故往時俱不給工食其銀皆留縣

公用今擬將此銀抵作前費似為允當然此猶未計也處其至當必於新河入海之處相地置閘照古來河流入海之例當海潮未來二刻即閉閘海潮已去三刻即開閘夫潮未來而閘閉則浮沙不得雍丈而河底常深潮已去而閘開則清流所積常滿而衝刷有力古來凡各處海濱未有無閘者此河係萬曆十年初開偶失考而未及置耳况置閘所費之財不過每年十分之一而所貽之

利則

利則沿河州縣皆息肩矣不特此也近日薊州三河寶坻玉田豐潤等處常遭水患者正以運河初開潮水逆上而衆流常積耳蓋新河未開止有一路通潮今既開則有二路通潮故舊潮來不過一百餘里今則直至九王莊等處迂迴六七百里其來也既遠則其返也必遲方其來也潮皆逆行而水不得下及其返也河流將入而新潮又至矣故諸州縣之水必待舊潮落然後歸洋今若

置閘則潮來而水不逆上潮去而水皆歸海此治水之上策京東之厚利也伏乞

上裁

一通州汲取學院搭廠蘆蓆三千領約賠銀八十餘兩

前件查得前項蘆蓆舊無額載近奉本州紙票取蓆三千領每領價銀一分五厘共銀四十五兩又自蘆臺里運至本縣二百五十里本縣運至通州一百二十

里其脚運之費倍于本值早職初至通州適逢搭廠即遣快手閤朝佐細計蘆蓆數目凡大廠三所每廠蘆蓆三百領共七百五十領其餘尚有廚房軒厠三小處所用不多大約不過用蘆蓆一千五百領而已今擬將前項蘆蓆着本縣各行領回一半餘一半即着通州牙行領賣待下次搭廠隨時取用似為便益蓋中間雖有破損而先一年發賣後一年送用似亦為便也伏候

上裁

一會試鄉試場派膳錄編號書手共賠銀一百五十三兩

前件查得本縣經費止編會試膳錄書手柴名每名編銀一兩二錢僱募不數里甲私賠銀一兩二錢共賠銀八兩四錢鄉試舊原不派故不入經費今逐科增派上科取三十二名今歲坐取三十四名每名議給銀二兩共賠銀六十八兩又鄉會各取書手二名造冊編號每名

兩卷共四

十六

蒙府批定工食銀三兩共銀一十二兩又鄉會各取厨子五名每名給銀一兩二錢共銀一十一兩通共私賠銀一百兩四錢三年均徵每年該銀三十三兩四錢六分六厘查得河西務通濟廠廠夫一十五名每名編銀九兩六錢常年多為棍徒包侵擬合去五名只留十名儘自足用將前革去所餘工食四十八兩除三十三兩四錢六分抵作前數餘銀一十四兩五錢四分留作別用伏乞

一保定府送決重囚路費併造冊工食銀三十六兩

前件先因本縣無奉決重囚未入經費今有重囚一十七起奉有決單者先後共八起用車一輛每日工食銀八錢約二十四五日共用銀二十兩又造冊約用紙張工食銀一十兩又有沿路糧食銀六兩向係里長賠費今議各犯不用騾車每名催驢一頭每日銀八分八名每

卷五

七

日六錢四分約五日至彼共用銀三兩二錢歸時又用銀三兩二錢沿路糧食給三兩共九兩四錢連造冊工食共銀一十九兩四錢擬將前項廠夫銀一十四兩五錢四分抵派外尚欠銀四兩八錢六分查有崔黃口守備衙門夏冬廩菜銀九兩常年止解四兩餘銀五兩貯庫抵補前數尚餘銀一錢四分作備用銀抵補別用伏乞

皇木車三輛增派銀二百四十兩

前件查運

皇木工部自有腳價止令畿內各州縣有車者領價
發運原不病民後因吏胥需索賠費多
端近蒙本部議定每車一輛納銀八十
兩本縣該銀二百四十兩舊無屯額只
得加派地畝切思本縣地低十年九潦
加派則糧轉重糧重則民愈逃此最弊
之政也查有

都察院民兵銀二百六十四兩近因清

卷之四

木

嚴簡費不復取用而民間猶有此徵擬
將二百四十兩抵作前費餘銀二十四
兩然此非上策也通州運河六月七月
運糧其餘皆空閑之月

皇木既到張家灣宜擇空閑月分即用霸夫運上不
特省畿內各州縣幫貼之費并工部腳
價亦省鉅萬矣但當移

皇木廠於三賢祠之北運入京城更易或言開河難
運巨木然臨清濟寧一帶非開河乎彼
既無碍則此何不可行也或又言逆河

而上為難是未知閘河運重之法也開
下閘即閉上閘待水平而後運何難之
有伏乞

上裁

一通州戶部主事衙門票取書辦工食銀五
兩造冊紙張工食銀六兩

前件查得此項原無議載自隆慶年間票
取皆係里甲私賠擬將前餘銀一十一
兩抵補尚餘銀一十三兩伏乞

上裁

明卷

十九

一太僕寺寺丞每年票取工食銀二兩

前件查得此項亦無議載自隆慶年間始
行票取今率為常擬將前餘銀二兩抵
補尚餘銀一十一兩伏乞

上裁

太常寺祭祀奉

本府帖文取活兔隻數不等

前件每隻四錢以十隻為率該銀四兩以
前餘銀四兩抵補尚餘銀七兩備用伏
乞

上裁

一本府督糧衙每年票取陰陽生工食銀七兩二錢又

軍匠衙每年票取陰陽生工食銀二兩前件查得此項亦無議載萬曆五年始行向係里甲私貼擬將前餘銀七兩抵數尚欠二兩二錢查有密雲渡船銀每年額解銀二十六兩多徵銀八兩六錢六分六厘內取二兩二錢抵足尚餘銀六兩四錢六分六厘備用并前保定送決

恭之四

重囚項下餘銀一錢四分共銀六兩六錢六厘備用伏乞

上裁

申免銀魚公移

順天府通州寶坻縣為調停進

貢魚鮮乞恩豁免以垂永利事切照寶坻縣舊設銀

魚廠常年差內官二員採打銀魚塲懈等物車輛

往回一十六次勞費巨萬額派薊州三河玉田豐

潤等州縣各幫銀三四百不等隆慶三年間蒙司

禮監李 奏

准停革近年以來因

上供難缺內府人員將來倚索舊規額派三十里各
出銀二三十兩不等徵收供給民間私賠不計其
數既不能止內宮之來又無各州縣之協濟且傳
宣日衆供給愈難早歲從萬曆十六年到任會士
夫耆老詢民疾苦食以此為第一發累之事早歲
查得各項魚鮮原出海涯離縣二百八十里由縣
抵京又一百八十里展轉濡滯鮮物皆壞况出魚
之地原係

御用監所轄因中本監請從京師直抵天津海口不

過二百餘里原卷中盡令本監庄頭常年取辦而本縣豁
其戶役似為兩便合無

立為成案永遠遵行庶人知勸勉而地方亦得永
寧矣為此今備前由合行具申伏乞
詳示施行

申道報撫臺減糧公移

為博訪民情以修實政事蒙

欽差密雲兵備副使王 案驗蒙

欽差巡撫右僉都御史成

憲牌前事備案仰縣照

案備云憲牌內事理即將一應丁田賦役雜泛差徭等項無論事之巨細但有關於治理民情者兼酌單開俱要逐一查明列款從實開報孰為便民今當仍舊孰為病民今當作何議處惟序事明言期於切當不必徒飾虛文無益實用俱每事後量餘紙開具簡明書冊等因蒙此遵行 又蒙

本道憲牌火票催同前事遵該本縣知縣袁 照依款開事件逐一登答造完簡明書冊 本見在擬合申送為此

呈

計開

一本 縣實額地若干額徵夏秋稅糧起運京邊本色米或草各若干折色銀若干存留本色米或豆或草各若干折色銀若干內上中下三等地各若干各每畝徵起存存色米豆草各若干每斗是否一條鞭或

何派徵小民是否安便有無逐戶刊給由
票歲常仍出簡明條示曉諭知悉中間聞
有私徵底簿與送查官簿不合者又有豪
猾勢要捏作拋荒欺隱國稅者及奸頑里
書通同詭寄飛洒暗加多收徧累作奸等
弊俱悉心考究開陳厘正要在祛弊便民
前件舊額民地六千八百八十四頃五十
畝 每畝徵銀二分一厘一毫五絲此係
本府舊刻賦役冊所載之數卑職十六
年到任現在額田止六千八百六十頃

陳文

三十一

實失額地二十四頃五十畝細查係是
劉效祖告去拋荒地一十九頃五十畝
陳文化告去拋荒地五頃及查額徵銀
則又每畝二分三厘二毫蓋不但以拋
荒之糧攤于槩縣而力役之徵亦浮于
舊夫地減於前而糧增於後殊非法紀
卑職發憤募民開荒今將新增地數及
所減糧數開報於後

實在民灶地八千四十五頃九十一畝五分五
厘內除張洪等庄新開荒地二百二

八頃三十九畝八分三厘蒙

閱院題准每畝徵銀一分內八十九兩九錢四分解密鎮一百三十八兩五錢五分七厘本縣類解又司家陀新開荒地一百二十頃二十一畝四分五厘蒙

也院批准每畝徵銀一分解密鎮濟邊餘皆攤入民額照例起科每畝該銀一分四厘九毫實減銀八厘三毫即今二十年蒙

本府軍匠衙周通判紙票准 本府牒奉

兩未三四

工部劄付新加糧柴夫銀九百八十二兩八錢每畝該銀一分六厘二毫二十一年以後仍該每畝一分四厘九毫

計開

夏稅起存共銀六百八十兩九錢二分四厘四毫一絲九忽三微九纖

內除徵本色豆九百六十一石九斗八升九合五勺四抄八撮四圭三粟七粒該徵銀三百兩三錢二分八厘

秋糧起存共銀一千一百二十三兩六錢

六分九毫五絲八忽七微一纖

內除徵本色豆一千五百三十二石七

升該徵銀五百一十兩七錢七分八厘

九毫七絲八忽七微二纖

馬草起存共銀一千九百五十四兩二錢

六分五厘

內除徵本色豆四千五百一十石六斗

六升二合五勺該徵銀一百五十兩

查戶部底冊本縣夏稅秋糧馬草舊有

本色大麥二千一百五十五石三斗二

升

三五

四合民間因運納不便告准每石折

銀一兩五錢後緣太重題

准每石減銀二錢萬曆三年本鎮議加容兵馬料款

令民復納本色將前米麥俱改黑豆每

銀四錢納豆一石是前時納一石者今

則納三石二斗五升矣又獨密雲一鎮

為然餘皆不爾此間關所以有不均之

嘆也就密雲一道中通州三河平谷皆

與密雲接境獨寶坻相離二百餘里每

騾一駝豆一石官脚價銀八分來

四日共費銀三錢三分賠費太重僉是
役者靡不破家或棄產遠逃或闔戶自
繫此不均中尤不均者也卑職到任已
經申明本府每石加給腳價四分民病
稍蘇然調劑變通或令由潞河通運或
令復納折色此在常事者加之意耳本
縣不敢輕議也其存留學糧原議六錢
折糧一石萬曆十六年各州縣諸生具
呈

撫蒙批 本道議增價銀二錢卑職以
奏

民窮財盡不敢增派查得本縣倉餘剩
稅糧內納抵補三十四兩五錢六分

一本縣共有 官莊地若干內某爵下地若

干歲徵銀若干或本色糧若干係何項
人戶承佃年例作何徵解有無一切弊
累如有應議處事宜俱酌議詳明開報
其餘如有牧馬子粒民竈等地俱做此
逐項早開登議明白以便參考

前件查得 本縣官莊地共一千九百四十
七畝二分九厘歲徵銀三千八百一

四兩給地一千三百二十五頃七十畝八分二厘共徵銀三千八百九十七兩二錢九分五厘九忽並無本色糧米馬房地三千四百五十八頃六十六畝四分共徵銀八千五百八十四兩三錢三分六厘五毫俱係各個戶承種常年選編地多有力之家自收自解中間並不失額理合報奪

一本 酬歲額銀力二差共該銀若干里甲經費共該銀若干或丁糧羔派或正于人

丁審

世

丁審編計實在丁糧各若干作何起徵是否適均曲當有無偏重濫增一切病民隱弊及今應劑量酌處事宜明白具報此即無弊由當每戶刊給由粟使知遵守仍每年遍揭條示於城市鄉村如銀力二差里甲經費各每正銀一錢實徵銀若干俾小民曉然便于上納免為里書大戶加派多收掌印官更親督計笑槩縣及各里社總細數日歸合分以社整端亦使民之切要也各屬

着意舉行或別有良法併查開報

前件本縣歲額銀力二差共銀九千四百七兩二錢五分七厘一毫八絲里甲經費共該銀二千六百八十七兩四錢九分一厘五毫舊例丁糧兼派隨正稅起徵刊刻由票給示鄉民頗為稱益卑職十六年到任曾經酌處申明

本道陞任按察使郭 逐一議定近蒙 陞任撫臺王 復行裁減又節蒙

本府批行加派彼此互異事難遵守卑職調停酌議開列其請務期上不廢法下不病民使經久可行而已

計開

本府正堂快手弓兵各一名陰陽生皂隸各二名俱奉道文每名減銀二兩四錢今奉府文每名仍加銀二兩四錢

本府庫子一名更夫二名俱奉道文每名減銀四兩八錢今奉府文仍加銀四兩八錢

本府左堂快手二名陰陽生一名俱奉道

文每名減銀二兩四錢今奉府文仍加銀二兩四錢

本府司獄司禁子二名俱奉道文每名減銀二兩四錢今奉府文仍加銀二兩四錢

本府經歷司催馬草料工食奉府文加銀二兩四錢

明智坊庫夫三名西城坊庫夫一名北新廠廠夫二名俱奉府文每名加銀四兩二錢

興奉寺

廿九

中府庫子二名奉戶部鄧主事信牌每名加銀四兩八錢

南石渠馬房脚夫四名俱奉道文每名減銀五兩

天財庫庫夫八名俱奉道文每名減銀五錢

浣衣局土工七名俱奉道文每名減銀一兩二錢

通政司舖兵三名俱奉道文每名減銀二兩

慶豐閘閘夫五名俱奉道文每名減銀四兩八錢

大通關弓兵一名奉道文減銀三兩

右六項上年各役告復原額相應照舊以上本道共裁銀一百四十二兩二錢本府及戶部等衙門共該增銀一百四十二兩二錢論民窮財盡當導

本道原行論事勢緩急則本府批增亦為有見蓋各役之增因革正頭故題請加派今若不量其繁苦而一槩減之則人

卷之四

將不樂應役後必復僉正頭其勞費更陪于今矣然十九年現減于民而二十年復行加派哀哀窮民何以堪之卑職曲為酌議將各役可緩者革除一二以足前數如本府新添儒學齋夫門子各一名共銀一十四兩四錢查得齋夫已足理宜除豁邠哀王墳戶一名銀一十二兩查得墳戶已足本縣原係多派已經申請本府抵補外尚欠銀一百二十五兩八錢宜將本縣迤解夫三名錄

一十八兩青衣夫二名銀一十九兩二錢祇補尚欠銀七十八兩陸錢宜於商稅銀內支用庶不加派以病民亦不苛刻以廢事也理合報奪

一本州縣或有寄養馬若干有解俵本色馬若干折色馬銀若干各寄養馬戶解俵馬頭作何僉派或計地糧坐派每馬一匹該糧若干石給之領養或計地徵銀每畝該銀若干徵以買俵或即于稅糧地內均攤或另分一項地土養馬中間奏之由民情馬政是否妥便有無偏害今應議處詳查開報

前件本縣寄養馬匹一千四十三匹卑職未到任以前每地陸頃五十畝養馬一匹而地有大畝小畝之異徵有不均今開荒已多小畝皆為大畝而額外又每匹增地七十畝共七頃二十畝養馬一匹申明

太僕寺少卿唐 批准依擬民病少蘇
矣理合報詳

一本州縣驛站錢糧額該若干或止于地畝
或兼搭丁糧作何起派如本屬有驛站
者馬車等項人役或係僉編正頭或係
召募充當見今民情是否相安有無弊
累及應作何議處均俾俱詳開明白仍
查地畝丁糧每畝每丁每石各徵驛站
銀若干果允當無弊否

前件本縣原無驛遞蒙派協濟通州等處
站糧銀四千四百一十一兩九錢九分八
厘每年于糧蕪派與正稅一同徵收本
縣低窪多水原無車輛舊因採辦花板
石京陵運用增派四輪車四輛

皇木車三輛本處大戶赴通州等處雇不特勞費倍
蓰又多棍徒誑騙民甚苦之卑職十六
年到任會同通州張知州請題

准將花板石車四輪車停免其

皇木車每輛納銀八十兩共銀二百四十兩至今遵
行甚為便益理合報奪

一本折稅糧并均徭經賣馬價驛站等銀各
僉派大戶或某項人役經收某一項

大戶幾名令責作何收納有無加耗多
收積羨扣取情弊每聞各大戶頭役或
被勒備起解或令供辦包賠或設意科
削或歲常追呼以致力不能支家亦為
破彼富庶之民亦何辜也種種苦害難
以悉舉俱要逐一查酌必當何以區處
使各相安至于近例應起解者俱聽差
官類解則經收者可免官解矣此尤各
當遵守無抵便于官而擾于民也

前件本縣徵銀每里發一八戶置櫃於二

門之側

令納戶自投多收者許令即時

口稟以憑責治所收之銀即令收頭自
解並不拆封十九年工部項主事題

准官解本縣即差典史談華類群一次殊為省便近
又蒙本府行牌銀非千萬以上不許官
解今後銀多仍差伍貳銀少即付收頭
自解似無別弊理合報奪

一近例各州縣經費一條鞭徵銀在官支用
里甲盡放歸農已編有常支買辦等役

矣則經臨

上司過往官使一應下程供需及本州縣各有交際酒席禮儀所用物件自可備辦乃今多用舖戶諸物責取甚至賣菜傭亦派為菜戶以供應蔬菜者其餘可知在住城猶為近便若隨歷邊關則担挑負載絡繹紛紜率齊裹從行矣勞擾既極怨苦充問且經年累月不得領價即量給之更減削過半以致小民膏盡力竭窘迫不堪為之父母是可忍耶今當浣除改圖如向之所無亦明開本

州縣見行供辦事規便則

舊間有未

妥更當一調停之如向之沿習所有則速行酌處盡厘徃弊必另責辦于的當人役革去舖戶或止取其物而勿占其人務隨給其價而勿減其估事集民安乃為善政勿終怙隱不以報自貽後悔前件自卑職到任凡見年里長皆放歸農一應買辦皆支俸現買寧使稍優其值此遠近所通知亦

台臺可密訪者也理合報奪

一各州縣驛遞應付人役既一條鞭徵銀在官催募充當則民間可無干涉矣乃今遇有經過官使仍多派用夫肆行擾害者不惟財用難輸且致有妨生業又有另立夫頭名色者以人夫一時恐難湊集欲責承管之意也然即于此輩中擇其強力者自可用之乃亦僉派富民以為綱頭責令管應付以致賠累不貲彼無籍之衆而有身家者安能求服故不得已悉以財產賠償圖濟一事免罪責

則亦謂

三五

耳民亦何辜于租庸正供之外又增此不經之橫役也宜各從實議報亟行更革以甦民累

前件本縣原無驛遞舊募走遞夫八十名每名工食銀一十二兩走遞馬三十四每匹草料銀十八兩馬價銀五兩萬曆三年議存夫三十名革夫五十名存馬十四革馬二十四徵工食銀八百六十兩在官臨時催募六年并此銀革去而走遞不敷乃後每里僉夫一名謂之

夫金馬一匹為之重馬一歲里甲私賠銀一千二百兩然初時官徵數有定額及後私派指一科二甚為不便卑職十六年到任即申明革去重夫重馬毫不私派議夫止存六名餘二十四名徵銀在官馬止存一匹餘九匹徵銀在官客至即支銀催募初蒙

本道郭批議令量增銀三四百兩職謂沿習舊套雖增銀亦必一敷苟能節用雖少亦足遂於往者驗明始給

職自出行並不帶扛佐貳以下相效成風迄今四年並不乏用理合定奪

一各屬或設有守備城撫官軍及本州縣俱有巡捕官役與通行保甲事宜皆為地方防戢宜乎盜息民安也乃今歲時未至甚歎而盜賊公行殆無虛日或商旅梗於道途或鄉民日夜驚恐甚至郡邑城禁之中竊盜無夕無之而全不防緝置之不聞者以致民心惶惶深憂患害顧守備方高計擾游慢不督捕有司亦

踵習因循不行振飭而巡捕官兵則用
玩成風專於科索是小民之苦害又不
止於寇盜矣今宜速置有守備去處所
管城操軍若干分派巡捕某地方若干
本城內外若干如有巡緝不周應增派
者量行增派或防捕事宜有應議處整
理者俱逐一酌議詳文開報務期守望
相司也方享謫令之益其要悉具直議
原設巡捕兵快若干分何分派責成即
今有無應增派應議處并經事務并各

卷之三

世

甲是否遵行有無撫按心查各處看舖
鄉夫既有巡捕官兵又設此何用不惟
徒滋勞擾有妨農業且遇有盜賊而一
二老稚果能擒捕乎抑取訛笑乎凡此
皆使事虛文而實有害者通行查礙明
白具陳該道緝要嚴加申飭各該守備
并巡捕官兵時常加謹巡防以弭盜賊
更須安靜以保黎民毋容疎玩科擾
前件本縣地方沿海風稱蓄蕪之場並無
守備城垣軍士具保甲事宜遵奉

本道頒行書冊沿村立牌巡捕官典史
談華騎射頗精在募教師演習快壯十
八年擒獲別境巨盜七起蒙

撫題薦紀錄十九年並無盜賊生發四
境晏然今年正月半職入覲有盜一起

旋即捕獲似為無虞但守城無軍而城

內苦民又寡舊立七舖大舖五人小舖

三人共二十四名直夜巡警然士宦巨

家俱經免役而貧夫販子累夜巡更欲

廢之則邏警無人變恐不司款仍之則

附卷之四

窮民累重相率逃亡擬每名給銀三兩

六錢歲用銀八十六兩六錢皆於商稅

銀內支用庶巡守有實用而貧民亦免

偏累之苦矣理合報奪

一各處商流之徵固為佐公費也然行貨之

商坐貨之賈物貨既饒即量稅之亦惟

其當而勿苛也今則不然聞各承委員

役借口官稅無論肩挑背負雖蔬菜細

微之物悉恣意抽取苛亦甚矣民之入

市既苦悉說又有尙役指稱強買徑

其物而不給價或故行遲勒而減半給之即已為幸者小民怨懟不勝大非政體若商賈舖行之被需求擾害者騙詐多方更可痛恨至於流寓之民固有奸豪規避差徭等事而至者然中間貧窮流落者多若果置有產業量編差徭自不為過顧傭工賣菓之徒衣食尚缺亦槩行派擾似非使民物各得其所之意也今當通行查議若稅務必酌有定規勿容苛濫凡民間日用薪米等物悉行除免仍嚴行禁革有違慢多索及以錢攘取民物虧損小民者盡法究處若流寓必察其身家貧富產業有無量行審出差銀而傭作窮苦之輩皆豁免之母重困累蓋寧從寬恤以拊集之勿竭其力以致失所也各詳擬具報

前件本縣商稅徵銀一百一兩九錢四分五厘編入正稅助常年經費之用而縣官所徵實不止此卑職到任初年悉行蠲免而士民以為非便蓋與其免徵以

寬遠方之商不若量徵以寬本地之民也今定則例每年徵銀三百七十五兩內除原額派入條鞭銀一百一兩九錢四分五厘又新補本府加增銀七十八兩六錢又除募夫巡夜銀八十六兩六錢又除書手等役工食銀一百一十兩四錢尚欠銀二兩五錢四分五厘於本縣自理紙贖內支用其流寓一節十七年奉本府帖文將有產得過之家皆附籍畸零舖入正稅其傭工無力李銀等三千餘戶悉與放免十八年因海戶陵戶墳戶漁戶差徭偏重累極逃亡復申本府將續來流寓張萬良等量起微科亦編入正額以均攤海戶等之稅蓋自本縣豁免寓銀之後挨查十家牌冊項增三千九百九十餘家而海戶漁戶等逃亡不免累及本甲故酌量均補已蒙本府准行大率相同新開荒田之稅宜攤減槩縣之糧而新增人口之銀亦宜均補丁銀之偏重者也理合報奪

一祭祀邑之大典本縣文廟啓聖名宦鄉賢
春秋二祭每次派銀一十八兩共銀三
十六兩風雲雷雨山川八蜡廟春秋二
祭每次派銀九兩共銀一十八兩邑厲
壇三祭每次派銀三兩三錢三分三厘
共銀一十兩查照舊規皆令各行頭買
辦中間賠費雖似不多然一行賠銀必
派及一邑同行共出極為勞擾半職到
任悉革舖行親給銀平買文廟二祭共
賠銀十二兩三錢四分風雲雷雨山川
八蜡廟二祭共賠銀六兩六錢六分邑
厲壇三祭共賠銀七兩五錢皆給俸銀
代辦此非經久可行之策也合無於草
頭沽稅銀內量支平買庶可通行理合
報奪

一鄉飲酒禮

國家大典莫重於此今本縣所行不特儀文舛錯兼
亦費用不周卑職到任查考

大明集禮賓僕介主各正其位蓋宋人之禮席設肆
隅我

朝改從肆正兼請鄉人齒德俱尊者為大賓一洗近

時之陋其買辦之費舊每次定銀五兩

共銀一十兩皆令里長置買賠費既多

需索復夥今每物估費二次共用銀一

十八兩官發自買正額之外尚賠八兩

亦宜於草頭沽稅銀內支給理合具報

一孤老之養王政所先平職十六年到任正

值歷年荒歉之後壯者流亡獨存老幼

沿鄉檢視心目慘傷因令各里老報出

孤貧老弱杜膝等一千二百五十一名

人多糧寡勢難盡給摘張臣等六百六

十四名有親族可倚者責令收養又摘

李美等四百六十二名年力尚健者責

鄰里收留聽供役使審極貧駱教等三

十五名照舊食糧次貧郭恭等九十名

量給半糧查汰宮女戶冗食之糧八十

一石六斗以足其數申奉遵行已久獨

冬衣布花舊議定銀一十五兩二錢職

常年增賠銀十三兩亦宜於草頭沽稅
銀取辦理合縣奪

一 寶坻縣協濟各州縣者歲派四五千金較
本縣經費不啻倍之當時司計者通融
會笑必以地方事勢無大繁役而然也
乃今則大異于昔矣北自薊州歸武清
東自山海遼陽西自三河通州舊皆非
通衢也今則往來如織九軍差緝紳歆
赴河并行未有不取道寶坻者矣故供
應日繁而舊無編派節省支持其難能
賄然縣令肯約已儉施即得罪於通家

東卷書

由志

一 寶坻縣協濟各州縣者歲派四五千金較
本縣經費不啻倍之當時司計者通融
會笑必以地方事勢無大繁役而然也
乃今則大異于昔矣北自薊州歸武清
東自山海遼陽西自三河通州舊皆非
通衢也今則往來如織九軍差緝紳歆
赴河并行未有不取道寶坻者矣故供
應日繁而舊無編派節省支持其難能
賄然縣令肯約已儉施即得罪於通家

猶可忍也惟許河之後景難支應蓋薊
州運道環寶坻三面遶海道之險始開
新河而南北皆通潮潮來泥壅濟未及
碁淤泥平岸初議三年二濟今則年年
加濟矣初議永平等州縣衛所共五十
處食夫開濟而今則獨累寶坻矣蓋此
河之開不獨為薊州之運遼東永平一
帶客貨官糧率皆賴之故議各處編夫
而地有遠近到有先後工難畫一故萬
曆六年工部建議題

卷之四

四

請各處之夫皆減半徵銀而寶坻正夫一百九
十九名仍舊食派令州縣所納之銀處
官赴部領出在工所募夫每日給銀六
分此原議也後因募夫之銀日漸尅減
無夫可募遂令寶坻縣正夫之外復募
夫一千名竊思各州縣所派正夫皆得
減半納銀而寶坻正夫之外復募餘夫
以一縣而代二十七州縣之役此非原
題之意矣且正夫風有額派而餘夫則
條鞭所不載從無此銀當時官吏既不

能執法以請又復按地加徵指一科十
殆成大患畢職十六年到任稽其始末
陳其利害請於工部尚書石 蒙批管
河郎中陸 議處量減夫三百名止派
七百名職將通縣人丁會美共二萬二
千九百六十二名除優免外每三十丁
共出一丁不復徵銀在官但令各里自
募各夫自計頗為省事行之四年人皆
稱便以後當相與遵行不許有役派銀
庶可永杜侵漁之弊理 奪

一國卷之四

大造黃冊議稿

順天府通州寶坻縣為大造黃冊事奉
本府帖文彖

欽差巡撫右僉都御史王 案驗彖

巡按直隸監察御史荆 案驗奉

都察院勘劄准

戶部咨前事仰將黃冊俱要如式攢造等因到
縣該本縣知縣袁 關稱切照賦役起于丁糧
丁糧載於黃冊慮新舊相混則四款互開恐為
久易淆則十年一定法至善也府司因罷舊

不加親理悉舉而付之書吏故開樊孔遷延索賄遂因而悞完解之期甚至描寫舊冊以塞責而實徵之數迥不相侔使至重之冊籍為無影之虛文良可恨也本縣仰承

德意俯究事源務期費用不煩冊籍蚤定丁糧有準賦役造均蓋竭生平之精力以貽庶兆之康寧誠有同事也有司責也敢以不敏辭茲今將大造黃冊事宜開列上請

計開

一裁費用之額查得經費冊內原載有造

冊銀兩

四

冊銀兩每年止派銀八兩及查萬曆九年大造黃冊闔縣派銀八百三十四兩六錢六分每丁派銀八毫四絲七忽四微一纖每畝派銀八毫四絲七忽四微一纖以為紙筆工食解冊之費當時不敢多派臨時又復多徵此條鞭所以不足恃也今欲遵例申徵則歲饑民貧正額稅糧尚難完辦復於額外加派民力奚堪擬欲擇放實書算紙張工食責令自辦訪之耆舊咸稱不便謂昔年鄰縣

亦有行此者書辦人役獨力難賠挨戶取索指一科十尤為擾害為今之計惟當痛加裁省將造冊各項公用逐一酌定使費出有經重一毫並不派及里甲亦不徧累書筭庶民免重科而上亦無廢事也謹開以候

尊裁

一件寫冊工食銀五百九十六兩八錢係書手洪江楊賓等領造在卷查得本縣青冊一樣四本共一百三十二本凡八

冊卷

冊

萬五千六百三十張每張工食銀七厘舊時所領之銀委非虛費但查得萬曆六年該

戶科給事中葉題請戶部覆以後大造之年通行天下每州縣止造全冊一本送

南京戶部水庫送本部者止用里甲總數不必備造花名其餘各衙門不必造送以省繁費奉

聖旨這文冊都依擬裁省欽此萬曆十八年五月二

十一日

太子少保本部尚書石 復申題前例
奉

聖旨是欵此舊時此例初行遵行未備今載經申明
理宜恪守只造全冊一本送南京而本
部本府皆遵用總冊本縣止該造冊三
十六本約計一萬五千餘張每張七厘
該銀一百五兩有奇實計該省銀四百
九十一兩八錢

二件買紙銀一百五十兩係紙舖戶楊佐

附卷四

米

等領過在卷查得前時造冊八萬五千
六百三十張實用過廣文紙八百五十
七刀每刀價銀一錢八分則前項價銀
亦不可少今止造冊一萬五千餘張則
用紙一百五十餘刀又舊時僉定舖行
上下使費其值常多本縣到任以來奉
例盡革舖行今亦不須重設以滋需索
之弊本縣徑齎銀至張家灣與南來紙
客現買輕則每刀八分重則每刀一錢
不過費銀一十五兩有奇而足矣實該

減銀一百三十五兩

三件包裏黃冊羶條銀一十二兩羶匠行頭李冠領過在卷查得羶包黃冊南方皆無此事舊因各縣自解陸運北方路遠風雨不常故用羶包裏近例皆併本府水路總運似亦可已如以為成規難缺則本縣前送

潞王蒙派羶單二十條用過收藏在庫乞將抵用省派前銀一十二兩

四件解冊使用銀二十五兩戶房吏朱良相領過在卷查得萬曆六年題

准事例直隸州縣造冊皆送本府呈

巡撫衙門請勘合二紙總差官吏分送不許科歛里甲今現蒙頒行禁戢則前項解冊之銀委為冗費相應裁去但赴本府印刷榜文該用四摺紙四刀該銀二兩工食銀二兩實省銀二十一兩

五件裝釘黃冊銀五兩係裱褙匠曹仲鑑領過在卷照得舊冊數多故所費亦多今止冊三十六本每本工食銀一分止

該銀三錢六分實省銀四兩六錢四分
六件總書工食似可省派但上下使費頗
難盡省每名量給銀三兩六錢該省銀
一十二兩八錢

七件做夾板銀二兩五錢係木行頭蘭文
早領過在卷查得黃冊用夾板六付松
木半株該銀三錢雜木二株該銀一錢
木匠工食銀一錢止用銀五錢實該省
銀二兩

八件綾絹簿殼用銀三兩三錢六分係布

卷書

五十

行頭陳佩領過在卷查得黃冊止用三
十六冊每冊用綾三尺該銀九分共用
銀二兩八錢八分實省銀四錢八分

以上共該用銀一百二十八兩九錢今查現
貯造冊銀七十二兩尚欠銀五十六兩
九錢本縣近奉

各上司明禁多方節省餘供應銀四十兩六
錢七分額支銀八兩五錢四分五厘二
毫尚欠銀七兩九錢有奇將本縣自理
紙贖轉補既不額外加派以重窮民之

困亦不重累里書以開需索之端費用有經亦無廢事矣

一收開荒之糧卑職初到偏閱四境荒地至多親自規畫凡草茂土肥者皆令種穀其餘則豆麥黍稷各隨其便鹵薄不堪者教令開溝引水以瀦其鹹氣低窪多水者教令種蘆植葦以盡其地力規畫既定造成圖冊付各里老責其開耕當時不敢申報一則恐瘠鹵卑窪之地其糧一增不可復減重為小民之累二則

卷之四

五十一

欲地方有開荒之實而不欲卑職有開荒之名也今行之三年已有成效稽之明例正該起稅之期又當大造黃冊合無盡數報官登之冊籍近民地者依民地起稅近灶地者依灶地起稅而使無一毫隱漏一則見耕王土者皆有惟正之供二則見鹵薄之地無不可化為良田而京左開田之議非浪談也伏候

尊裁

一慎書筭之選查得造冊書筭必選

之然設實者未必諳書筭勢必催
代役如萬曆九年本縣黃冊總書張
汝甫張應吉而當時應役則張詰劉汝
登也是使殷實良民空冒書筭之名而
坐賠工食奸頑積棍謀充書筭之任而
肆作弊端又積棍代充則假人之名而
愈無忌憚良民津貼則孽不由已而賠
費愈多此事之至不便者也卑職到任
以來每里書手親為簡閱作弊棍徒悉
已汰去現今應役皆誠實而知書者合
無仍舊用之每里書筭手一人即令自
筭自書不致托之匪人以滋弊孔而又
可以省選擇之煩也伏候

尊裁

一通上下之情今次造冊當以前次駁定
黃冊舊管以今年現徵糧冊為實在然
縣中舊冊小民不能周知又十年之間
田有三四易主者愚民止知近年賣主
之名而不能知十年造冊之數合無將
本縣底冊三十本陳之大寺兩廊責二

僧人收掌任民出入翻閱其有推而不收或收而不推及被書手增洒者皆許據實陳告其有隱則漏丁許令自首免其前罪本縣分日親審每日二里則費半月之功而足矣如此則民隱可達奸弊可除而冊籍庶不為虛文也伏候

尋裁

欽差整飭密雲等處兵備河南提刑按察司副使王為大造黃冊事本月十三日蒙

巡按直隸監察御史荆疏批該司道呈本年

二月十七日蒙

批該

左巡撫右僉都御史王疏批據寶坻縣申詳條議攢造黃冊減省銀兩收造荒糧等項緣由蒙批據申諸款既免加派小民又無重累里書具見本官留心節省然此恐不獨可行於一縣也仰密雲道再加詳議停妥及應否通行各屬併報本月二十日又蒙

隸監察御史荆疏批同前事蒙批密

查報委

便會同三河平谷密雲各縣速將寶坻縣袁知縣條議後開各款逐一詳議是否允當可行有無掣肘窒碍應否通行各處務要酌議停妥具由申報本道以憑覆議轉報去後今據該縣申稱遵該本州知州陳登會同三河平谷密雲各縣掌印官覆議得寶坻縣條議乞將黃冊減造免行加派一節無非節省小民關防里書嚴禁積棍冒充書契負累作弊各款事宜委為妥當乞恩通行以甦民困具申間又蒙本道案驗為賦役黃冊事蒙

欽差巡撫右僉都御史王 案驗准戶部咨前事仰

州官吏照依咨案備該部奏奉

欽依內事理即便欽遵并行督造黃冊委官一體欽遵將後開各款事宜逐一遵奉造報施行內款開一大造黃冊所以稽查戶口以送後湖為主其送本部各衙門者止備查考今次造冊務照萬曆六年內本部題

准事例每州縣止造全冊一本送南京戶部水庫送
本部者止用里甲總數不必備造花名
其餘各衙門不必造送以省繁費等因
象此切詳寶坻縣所議減造文冊已蒙
題奉

欽依通行天下無容別議外其造冊人役工食每張
銀七厘冊紙每刀銀一錢據議甚為允
當再查裹冊瓊條解冊使用釘冊工食
及總書夾版綾縮簿殼等項之費候臨
期各州縣自行設處加派庶小民

東表之四

得以少甦而里書無科徭之弊矣候詳
允日遵行緣由具申到道據此看得寶
坻縣袁知縣條陳攢造黃冊議減紙張
工食盤費等項查動無碍官銀不科里
甲慎選書筭人役責發收除樊源深得
節省愛民祛奸之體王於收造開荒地
糧猶見課農裕

國善政既經各州縣會議前來相應呈請合候詳示
備將條陳各款事宜通行所屬等州縣
及將此欽依欽行令寶坻縣

照施行蒙批仰通行各州縣着實舉行
此繳蒙此擬合就行為此案仰本縣官
吏查照案內事理逐一遵照施行